

M. PAULI JUUSTEN,
EPISC. QUONDAM AB.

CHRONICON EPISCOPORUM
FINLANDENSIVM,
ANNOTATIONIBUS ET SYLLOGE MONU-
MENTORVM ILLUSTRATVM.

CUJUS

PARTICULAM XIX,

CONS. FAC. PHILOS. R. ACAD. ABOËNSIS,

PRÆSIDE

M. HENRICO GABRIELE
PORTHAN,

ELOQV. PROFESSORE REG. ET ORD. R. ACAD. LITT. HUMAN.
HIST. ET ANTIQUIT. MEMBRO,

Publicæ bonorum censuræ submittit

NICOLAUS CHRIST. SANMARK,

Stip. Reg. Satacund.

IN AUDITORIO MAJORI die XVI MARTII

A. MDCCXCI,

Horis ante meridiem consuetis.

ABOÆ Typis FRENCKELLIANIS.

THESES RESPONDENTIS.

THES. I.

De infelicitate vitæ humanæ, quas jactari saepe audias querelæ, neque justæ semper sunt, atque in benignitatem sapientiamque Divinam haud raro injuriæ.

THES. II. Parum diligenter naturæ consilium considerant, qui intempestiva commiseratione ducti, negant licere homini-bus bruta in suum usum mactare.

THES. III. Quum dubium non sit, quin in statu quoque natu-rali, homini non liceat modo, sed etiam, ubi sine magno in-commodo fieri queat, incumbat, innocentes contra vim in-justum tueri; facile liquet, & foedera communis defensionis caussa inita, & bella contra populos latrones, qui civitates vicinas temere ac superbe invadunt suscepta, quamvis ipsi injuriam hactenus passi non simus, juri naturali haud repugnare.

THES. IV. Experientia non minus quam diligentia naturæ humanæ consideratione stabilitam ille dixit sententiam, qui scripsit: *necessitas acuit industria*: Unde ratio simul elucet, cur gentes parum numerosæ, per silvas vastas errantes, nec cito nec facile ad vitam cultiorem perduci queant.

THES. V. Vehementes multorum de imbecillitate atque corruptione rationis humanæ declamationes, ad Theologias revelatae laudem pretiumque extollendum bono quidem con-filio exhibitæ, tam parum cautæ haud raro sunt, atque ad turpisima etiam commenta tuenda facile trahendæ, ut docu-mento esse queant, quam provide & accurate in hoc argumen-to tractando Orator Sacer versari debeat.

THES. VI. Consilium Batavorum, qui cum a Japonensi-bus interrogarentur an Christiani essent? negando respondisse, atque non nisi Batavos se esse, confirmasse perhibentur, multo mitius, quam quod a multis experitur, judicium mereri credas.

fauentissimo laudis testimonio eum fraudare, aut tantæ
rei memoriam posteritati invidere, vitæ suæ scriptoribus
haudquaquam fuit consilium. Quo pertinent non solum
verba laudati a nobis sæpius Msti Palmkeldiani, ubi de
Episcopol nostro legitur: "Revelationes S:te Birgitte ad
„Papam detulit, & coram eo sermonem fecit pro laude
„eius, cui familiarissimus fuit," (192), sed VASTOVII quo-
O o que

„Aboensis, & amicus beate virginis Marie, sicut patet Extrav. Ca-
„pitulo C. IV." Ex quo ipso Capitulo hæc apposuisse sufficiat: "Qua-
„dam vice sponsa Christi" (Birgitta) "sedens in convivio cum quodam
„Episcopo Aboensi, scilicet Domino Hemmingo, in mensa, de cibis
„delicatis sibi appositis comedebat in honorem Dei; propter quod Epi-
„scopus dicebat in corde suo: cur ista Domina habens donum Spir-
„itus, a delicatis cibis non abstinet? Tunc ipsa nichil sciens de talibus
„cogitationibus ejus, circa vespertas, cum esset in oratione, audivit in
„spiritu vocem dicentem &c. - - - Quam quidem revelationem ipsa
„statim illi Episcopo exhibuit. Episcopus autem hoc audiens recogno-
„vit se, & fatebatur quod illas cogitationes iu mensa habuerat; pro-
„pter quod humiliatus animo, petendo veniam ab ea rogavit eam pro
„se orare. Tunc tertio die apprens eidem Domine Birgitte oranti
„beatissima virgo Maria dixit: Dic eidem Episcopo, quia omnes predi-
„cationes suas inchoare solet a laude mea, & quia per judicium suum
„te judicabat in mensa, eciam quia illud judicium caritatis & non in-
„vidie erat: ideo caritas meretur consolari. Dic ergo ei, quod ego
„volo ei esse in matrem & ejus animam presentare Deo. Et ego nunc
„exponam ei quod ipse est *animal septimum* de animalibus prioribus
„tibi ostens, & quod ipse verba Dei coram regibus & Pontificibus
„portabit."

(192) Quo jure de nostro asseri queat, cum *Revelationes S. Bir-
gitte ad Papam detulisse, & coram eo (Papa) sermonem fecisse pro
laude ejus (Birgittæ)? nos sane fugit. Non enim constat, *Hemmingum*
ad Papalem sedem iter unquam fecisse, neque in vita S. Birgittæ hu-
jus rei ulla occurruat vestigia. An nonnisi per literas ad Pontificem
datas hoc amicæ mulieri præstissime officium existimandus est? quam tamen
explicationem verba ipsa respuere videtur? Vel an ex iis que de hac
re in Revelationibus Birgittæ obscurius dicuntur, auctorem huius-*

que singulare in ea re indicanda confirmandaque studium. Hæc igitur cum muliere fanatica, quæ publicis etiam se consiliis ingerere suaque vel somnia vel arbitria intrudere non dubitaret (193) intercedens illi amicitia, alacre præterea atque imperterritum Episcopi nostri ingenium (194), verisimile reddere videatur, quod post ERICUM OLAI (195) narrat MESSENIUS (196), ob factam Regi

totam hanc narrationem suam putabimus? ubi *Revel. Extravag.* C. 52 legitur: "Episcopo Aboensi precipio (sc. Christus, qui loquens inducit, ut negocium ad summum Pontificem transferat, cui precipio nichil diminuere, sed permitto addere que ad honorem meum sunt, & ad salutem animorum.)" Negotium vero cujus hic mentio fit, *Revelatum* illud Birgitta fuisse videtur; si ex somniis hisce sensum aliquem erui omnino posse, credi debet? Favet opinioni nostræ etiam quod loco nuper adducto (*Revel. Extrav.* C. 104) dicitur Episcopum Hemmingum verba Dei coram Regibus & Pontificibus esse portaturum.

(193) Vid. LAGERERING Sw. R. Hist. III D. C. VI, §. 15; & C. 3, §. 26. Cfr. S. Birgitta *Revel. Extrav.* C. 52 &c.

(194) Præter ea hujus rei testimonia quæ vita sua exhibet, idem S. etiam Birgitta confirmat, apud quam D. Maria hoc modo loquens de illo inducitur (*Revel. L. IV. C. 125*) *Septimum animal nihil timet &c.*

(195) *Hist. Svecor. Gothorumque L. IV*, p. 131 & 137, Ed. Loccen.

(196) Schond. T. X. p. 16. "Circa eundem (annum 1348) b. Hemingus, vita Regem emendandæ, tyrannidis non exercendæ in subditum diutius populum, numini Petrini ad belli usum nec convertendi, vehementer admonens, ab illo in vincula conjicitur." Cfr. T. III p. 13, T. XII p. 188 sq. p. 195, p. 200; & T. XV p. 58.

(197) Nulla ejus rei in illis quæ supersunt Ecclesiæ Fennicæ monumentis vestigia habentur; neque JUUSTENUS noster, neque antiquius illo Fragmentum *Palmiskædianum*, neque *Chronicon Rhythmicum* (in peccatis MAGNI reprehendendis satis diligens) meminerunt. VASTOVIO etiam res fuit incognita; qui idoneam adeo materiam sancti

Regi MAGNO admonitionem liberam, aliquando in hujus offensionem incidisse? Sed quod addunt, hanc ob causam in vincula etiam a Rege suisse conjectum, multis obnoxium est dubius. Præterquam enim quod nulla vel hujus rei, vel omnino gravis alicujus inter Regem & Episcopum nostrum ortæ simultatis, in veteribus monumentis (si unum exeperis ERICUM OLAI) mentio occurrat (197); nullam etiam causam ERICUS commemorat hujus facinoris, neque significat aut ubi aut quamdiu captivus Hemmingus fuerit detentus, aut quomodo liberatus? Hæc igitur omnia MESSENIUS demum ex suo addidit (198); qui etiam bis Regem idem commissile piaculum, fiden-

O o 2

ter

viri heroicam celebrandi constantiam, neglegurus haud fuisset: quamquam fatendum est, ad vitam Hemmingi scribendam paupere admonitum eum instructum fuisse apparatu, quam ex Revelationibus Birgittæ magnam partem consarcinasse, facile observatur.

(198) In verbis mox allatis, not. (195). Cfr. locum e T. III p. 20 in Nota proxime sequenti exhibendum.

(199) L. c. T. III p. 20 habet: "A. 1361. S. Hemingus, Finlan-
dæ vigilansissimus Antistes, ob iniquam Regis Erici necem, sibi cha-
rissimi, Parentes merito sceleris arguens, ab illis secundo in custodia
detruditur, eamque propter per regnum Divina quinquennio obmu-
tuerunt. His tamen non deterritus Magnus, in præsilia pergit mali-
zia, insuetis quoque plebeculam onerans contributionibus." Postquam
scilicet supra, nescio quas secutus rationes, anno jam 1348 Episcopum
nostrum in carcere inclusum fuisse dixisset; ne ab ERICO OLAI,
quem solum testem hujus facti excitare posset, quique multo serius (eodem
circiter tempore quo Waldemarus Rex Danicæ Gothlandiam Oclan-
diamque vastasset) *Magnus* hoc crimine se onerasse docet, nimis longe
recederet, (utque simul novam materiam increpandi Regis Episcopo
suppeditare posset, necem videlicet filio *Erico* a parentibus illatam),
ineptam hanc adhibuit rationem, ut bis *Hemingo* eandem contigisse
a Rege injuriam, communiceretur. Cfr. LAGERBRING Sm. M. Hist.
D. 3, C. 6, §. 20.

ter afferit (199), neque probabili ratione neque teste ullo suffultus. ERICI quoque auctoritatem, odium Regis infelcis acerbissimum, quod ubique prodit, minus reddit gravem (200); quem ob tantum scelus excommunicationis quidem fulmine fuisse percutsum innuit, sed a quo? non significat (201): hanc tamen calamitatem ab illa

qua

(200) Cfr. LAGERBRING l. c. Inimicorum Regis omnes cupide collegisse criminationes, nemini apertum non sit, infestas ejus declamationes, *Hist. Svec. Gothorumque* p. 125-131, (Ed. Loccen.) perlengenti.

(201) Verba ejus sunt: *Circa idem tempus (quo Waldemarus Gotlandiam Oelandiamque afflixit) captivatus est, eo jubente, Episcopus Aboensis, vir sanctus & innocens, & eidem regi fidelissimus, a qua culpa & excommunicatione contracta nunquam extitit absolutus;* l. c. p. 131. De Hemmingo nostro agi, verba docent p. 137 occurrentia, ubi legitur: "Cui (Regi Magno) dicunt in auxilium superveniente Domum Hemmingum Episcopum Aboensem, virum devotissimum, ob fidelitatem quam Regi Magno etiam in captivitate (constituto) servabat, licet ejus mandato fuerat aliquando captivatus." Non nisi semel captivatum fuisse, his verbis perspicue simul docetur.

(202) Verbis e p. 131 mox allatis, ERICUS OLAI haec subjungit: "Fuit etiam excommunicatus a Papa, propter pecuniam levatam Cameræ Apostolice, posito interdicto in regno, quam excommunicationem, ut desperatus parvipendens, & divinis se damnabiliter ingenerens, cum aliis servarent interdictum, multis erat occasio scandali & erroris." Satis haec verba significant, cur scriptori Clerico non posset non Magnus esse invitus; & simul excommunicationem a Papa profectam illi ob missum in careerem Hemmingum Regi (ab hierarchis minoris dignitatis, hic domi?) obnuntiata non tantum tempore fuisse posteriorem, sed etiam Regi superiore culpa nondum liberato, cumuli instar, superveniente. Unde ante a. 1360, quo censuram Ecclesiasticam, ob non redditas pecunias Apostolicas, sibi mutuo datas, Regem jam incurrisse constat, illud ab eo facinus commissum esse, credendum est? nisi minus accurate ERICUS haec, ut multa alia, tradidit? Alter calulos ponit Ill. LAGERBRING l. c. E, 6, §. 20 & 52; qui ceterum

qua ipsum Pontificem, propter pecuniam levatam Cameræ Apostolicæ, Regem afflixisse addit, aperte distinguens, quam imitari diligentiam recentiores neglexerunt (202). Quam incerta cæterum fama hæc videri debeat, de gravi adeo injuria Episcopo nostro a Rege illata antea sibi atque Ecclesiæ suæ faventissimo (203), JOHANNIS etiam MAGNI prodere ratio videtur, qui Regis ejusdem moniti reprehensiique laudem *Hemmingo* Archiepiscopo Upsaliensi vindicat (204), Aboënsis Episcopi violati nullam

O o 3

omni-

recte observat, fulmen hoc in Regem infelicem vibratum fuisse non a Papa ipso, sed ab ejus Nunciis *Henrico Bisop*, Canonico (deinde Praeposito) Lubecensi, Apost. Sedis Capellano, & *Johanne Guiaberti*, Decano Tarbatensi &c. videri profectum fuisse, ut Literæ produnt Papæ Innocentii VI a *Vastovio* (Ed. Colon. p. 197, ubi male annum 1358 pro 1360 apposuit) allatae; cfr. A CELSE Apparat. ad Hist. Sveo-Goth. Sect. I p. 125 n. 9, p. 127 n. 16 & 20, p. 130 n. 7. A Rege in Finlandia præsente *Hemmingum* fuisse in vincula conjectum, ERICUS OLAI non significat; ac secundum *Magni* in Estoniam iter, a. 1361 susceptum, fateor mihi suspectum videri; nullo enim alio argu-
mento confirmatur, nisi Literis Regis quas exhibet STRELOV Cronicae Gutilandor. p. 163 sq. ad Proconsules, Consules ac totam civit. Wis-
byensem datis *Happycallum* Ociensis dioecesis An. D. 1361, Sabbatho
ante Dominicam Invocavit (Cfr. LAGERBRING l. c. §. 52, not. 1),
in quarum exemplo vitium inesse suspicor, nempe MCCCLXI pro
MCCCLI, quo anno Regem *Hapsaliae* fuisse atque Abbati & Conventui
Padiseni *jus Patronatus ad ecclesiam Borgæ*, Sabbatho ante Dominicam
Passionis, dedisse, extra controversiam est, & infra demonstrabitur.

(203) Quod ex privilegiis patet Episcopo Finlandensi liberaliter inter a. 1347 & 1354, concessis, ac supra p. 258, not. 162, p. 261,
p. 269-273, commemoratis, signisque aliis favoris & fidei illi exhibitiæ; cfr. Tdn. utigfnæ af et Sällst. i Åbo, 1785 Vih. p. 116.

(204) *Gothor. Sverorumque Hist.* L. XXI C.V.

(205) MESSENIUS l. c. T. X p. 16 dicit: Ideo (ob Episc. Hemmingum in vincula conjectum) *Pontifex offensus*, *Magnum suo perstrin-*

omnino faciens mentionem. Quomodo cumque autem hæc se habeant, captivitatem Episcopi nostri taliter non fuisse diuturnam, omnes fatentur (205).

Inter merita sua, *Fragmentum* sœpe nobis laudatum *Palmiskoldianum* rem commemorat aliis scriptoribus nostris ignotam, scil. *Hemmingum* nostrum *scrinium S:ti Henrici procurasse*; quam laudem successori suo *Johanni II Aucto:ro noster vindicare videtur*: qua de re infra.

Amicitiam constantem cum cognomine sibi, *Hemmingo* Archiepiscopo Upsaliensi, nostrum exercuisse, convenisse inter eos amice de limitibus Dioecesis utriusque in Botnia septentrionali, morientemque Archiepiscopum sui in Aboensem Antistitem affectus documentum etiam in Testamento suo edidisse, vetera produnt monumenta (206).

Consiliis sui temporis publicis licet non maxime se se immitciisse videatur, non tamen ab iis omnino absuisse, testimonio esse potest, quod Comitiis Warbergen-sibus a. 1343 interfuisse, siue subscriptione nominis pacti.

git fulmine, Et sacris vetat clerum per Finlandiam operari, donec ipsius liberaretur Antistes, qui fuit astutum solitus. Multa hic ex suo addit, verbis ERICI etiam repugnantia, qui Regem nunquam ab excommunicatione, hac culpa contracta, absolutum fuisse testatur, nec vel a Papa hoc prosectorum fuisse, significat, vel subditos Magni eo percussos, multo minus hanc calamitatem ad Finlandiam solam restrictam. Cfr. A CELSE I. c. p. 130 n. 7. Neque litera Papales ullam Episcopi captivati mentionem faciunt, quod grave crimen silentio præteritus Pontifex non fuisse; nec tam gratiose Regem tractaturus, si illius fuisse reus. Ceterum MESSENIUS in *Chron. Rhythm. Finl.* eadem quæ alibi narrat, p. 31.

(206) Cfr. PERINGSKOLD *Monum. Upland.* T. I p. 4, T. II p. 147.

(207) Cfr. LAGERBRING I. c. E, 6, §. 2.

pactionem celebrem de conjungendis cum Regno Sveciæ in perpetuum Scania, Hallandia & Blekingia confir-
masse, reperitur (207).

Non sanctitate modo vitæ, sed *miraculis* etiam edi-
tis inclaruisse, MESSENIUS asserit (208), ex ingenio, ut
solet; quorum ne VASTOVIVS quidem ullam investigare
valuit memoriam (209). Talium tamen, (ejus sc. gene-
ris qualia pleraque sunt Sanctorum Ecclesiarum Romanarum (210);)

collig.

(208) *Chron. Fint. Rhythm.* p. 29, ubi de nostro canit:

Hvilken, som jag hafver förtärt,
Gjorde i sit Sticht ofta godt;
Han war godfruchtig och fast wis,
Hör sin helighet skall bär pris;
Hon båtade honom få stort,
At han många Under har gjort.

(209) Nulla commemorat, in vita Hemmingi nostri; quæ præter-
iturus haud fuisse, si quidquam de iis rescivisset.

(210) Cfr. ÖRNHJÄLM Hist. Sveonum Gothorumque Eccles. pag.
70 sqq.

(211) Diem etiam prodit JUUSTEN, (& post eum MESSENIUS
Schond. T. X p. 17, levi errore pro 21 Maii, XXII habens, vid. T.
III p. 24, T. XV p. 63, quia Kal. XI pro XII legit: cfr. T. IX L.
III C. VII p. 43), cuius auctoritatem spernere non dubitat Nob. LA-
GERBRING I. c. C. 6 §. 72 & C. II §. 11. Quum porro addat Auctor
noster, decepsisse Hemmingum anno atatis 77, non difficile fuit recen-
tioribus colligere, natum illum a. 1291 fuisse. Simili ratione Auctor
qui a. 1340 electum, anno vero 1367 mortuum dixit, non potuit non
asserere, per 27 annos muneri Episcopali eum præfuisse: unde mendum
esse typographicum existimari debet quod MESSENIUS, *Chron. Episc.*
p. 108 dicit Hemmingum annis XX sedisse; idem temere exscripsit WE-
XIONIUS *Descript. Svec.* L. X, C. XI; quem eundem errorem etiam
plexus est VASTOVIVS I. c. qui atatis quoque annum 70 pro 77
male habet.

colligere penum, posterioris ætatis sedulitas sine dubio
haud neglexit, postquam de *Hemmingo* nostro ordini Di-
vorum adjungendo consilia iniri cœperunt; sed cum in-
terveniens Sacrorum repurgatio his moliminibus obicem
positisset, miraculorum quoque suorum condendo indice
Iuperfedere licuit.

Annus mortis suæ, quem concordi testimonio au-
ctor noster & *Fragmentum Palmiskoldianum* edunt 1367,
an recte ab iis constituantur, licet dubitare (211). In *Registro Ecclesiæ Aboënsis* literæ vel ab eo datæ, vel quæ mentio-
nem ejus viventis faciant, anno 1364 seriores non repe-
riuntur (212). Anno vero 1369 *Johannem Petri*, secun-
dum

(212) Litteras Regis ALBERTI indigitamus, a. 1365, seria quarta
proxima post octavas Epiphanie Domini, apud Castrum Aboenje da-
tas, de quibus supra commemoravimus p. 277 sq. not. (181).

(213) Litteras scil. ostentat Episcopi JOHANNIS, omnibus & sin-
gulis Satagundiam inhabitantibus datas die b. Clementis anno millesimo
trecentesimo sexagesimo nono, Fol. 165, & R. ALBERTI, datas Stoc-
holmis eodem anno Domini MCCC sexagesimo nono, quarta die Junii,
quibus ad instanciam venerabilis in Christo Patris, Domini Johannis,
Dei gratia Episcopi Aboensis, omnes & singulas libertates - - - E-
piscopo Aboensi & ecclesiæ sue - - - concessas - - - ratificat ac - - -
confirmat. Ibid. Fol. 24. De quibus infra plura. Quin rationes ad-
sunt haud leves existimandi, *Hemmingum* biennio aut saltem anno ma-
turius, quam ab Auctore nostro proditur, vita excepsisse? In laudato
namque *Registro*, Fol 49, bina Papæ Urbani V Bullæ reperiuntur,
(de quibus infra accuratius disputabimus) date Avenione XI Kalend.
Novembri Pontificatus sui anno Quarto, hoc est anno Domini, ut ad-
scriptum veteri libro legitur 1365, vel rectius 1366 (cfr. CIACCONII
Vite Pontificum, ab Oldino recogn. Roma 1677 Fol. T. II p. 554,
& A CELSE l. c. p. 128) ad Henricum Episcopum Aboensem, proxi-
mum successorem Hemmingi, quem ante obitum fese abdicasse,
nemo docuit? Neque haec tenus causam naeti sumus suspicandi, erro-
rem aut in nomine Episcopi aut in anni nota exprimenda, aliquem latere?

dum Hemmingi successorem, sedem Aboensem jam occupasse, idem Registrum documentis confirmat indubiis (213). Quare falsam esse ERICI Upsaliensis narrationem, vel potius famam ab eo commemoratam, cui nec ipse satis fidere videtur, facile patet; quæ Episcopum *Hemmingum* Regi HAQUINO, Patrem suum liberaturo, (a. 1371) auxilio venisse, tradit (214).

Longiores fuimus in rebus hujus Episcopi exponendis; quem non tantum tempore Religionis Romano-Catholicæ in patria nostra dominantis magna floruisse fama, cujusque memoriam magna fuisse veneratione cultam novimus (215), sed quem utique ad Ecclesiæ Fennicæ

P p for.

(214) Cui (R. Haquino, Stockholmiam, patris sui liberandi causa, oppugnanti) dicunt in auxilium superveniente Dominum Hemmingum Episcopum Abogensem, virum devotissimum, ob fidelitatem quam Regi Magno etiam in captivitate servabat, licet ejus mandata fuerat aliquando captivatus. L. c. p. 137. cf. sup. not. 201. Obsidionem hanc Stockholmensem anno denum 1371 contigisse, demonstrat LAGERBRING l. e. C. 6, §. 72.

(215) Episcopum egregium *Magnum* Tavast impense laudaturus auctor noster (sive scriptor vetustior, cuius verbis inhexisse videtur?) dicit: In Ecclesia Aboensi beato Hemingo & sibi (post b. Henricum Episcopum) nunquam reperti sunt similes, qui tot & tanto laudabilis suis temporibus perpetrarunt opera. Hanc laudem & Hemmingi nostri honorificam cum summo viro comparationem, immeritam pronunciant ISR. ESCHOLIN & ALG. SCARIN Post. Hist. Polit. e Chronico Episcop. Pauli Gusten excerpt. Thef. VIII p. 8 sq. (NETTELBLAD R Schwed. Bibl. i St. p. 94), caussam addentes: Cum præter zelum hierarchia propagandæ præposterum & adversus civilem Majestatem grande supercilium, adeo non multa cum commendatione & gloria ejus virtutis imaginem in animalibus expressam inveniamus &c. Ultero quidem fatemur, Hierarchia constituenda & promovenda zelo præcipuo, pro temporis sui ingenio atque moribus, nostrum eminuisse; supercilium

formam illam constituendam confirmandamque, quæ deinde obtinuit, vehementer contulisse, certum est. Quare Statutorum quoque suorum, MESSENIO tantopere laudatorum, hic subjungere placet exemplum (216): quorum videntur.

vero (sive superbiam) adversus Majestatem civilem ei majorem quam plerisque vel antecessoribus vel successoribus suis, an exprobrate merito liceat, (ubi incertam de R. Magno ab eo increpato famam exciperis) dubium videatur? Gratia Regum suorum singulari potius floruisse, monumenta quæ supersunt, quæque supra allegavimus, sicut faciunt. Ac literæ R. ERICI p. 273 not. (180) a nobis exhibite prodere videntur, officiales Episcopi nostri non fuisse proutissimos Regis hujus, in moliminiibus contra Patrem Reg. Magnum suscepit adjuvandis, assecelas?

(216) "Anno &c. Domini MCCCLII Hemingius Dei gratia Episcopus Abensis apud predictam Ecclesiam nostram publicare fecimus in Synodo nostra subscripta Statuta; quo um Primus Articulus est, quod mandamus quod quilibet sacerdos, indutus vestibus sacris, excepta Casula, in diebus Dominicis in pulpito (Pulpito?) legens scilicet ac quam benedicat. Secundus quod Sacraenta Ecclesie cum omni reverentia & attentione observentur in Ecclesiis & administrantur, videlicet Eucharistia, Oleum & Crisma, proviso quod eadem hostie consecrate non reseruentur in pixide ultra quindena, sed veteribus consumitis nove insuper consecrentur. Tertius quod in Ecclesiis testudinatis pannus unus seu vestis inter altare & testudinem superius extendatur, propter immundicias removendas. Quartus, quod Sacerdotes de vino & oblatis cauti sint, ut illa munda habeant & incorrupta. Similiter Paille, Corporalia & alia indumenta altaris & Ecclesie munda & nitida conserventur. Quintus de Confessoribus Sacerdotum certis habendis, non absque licentia sui Prelati. Sextus, quod nullus Sacerdos alterius parochiarum confessare presumat, vel sacramenta ei administrare, sine licentia proprii Sacerdotis. Septimus, quod Questionarii & Bidelli non admittantur ad petendas eleemosynas in Ecclesiis & Parochiis, absque licentia (leg. litteris?) Prelati patentibus. Octavus, quod quilibet Sacerdos parochialis habeat predia, libros, indumenta & ornamenta Ecclesie diligenter conscripta, & scripturam ipsam cum inventario committat Prelato. Nonus, quod

videndorum postquam nullam contigisse nobis hactenus
facultatem supra (p. 279) significassemus, nuper illam be-

P p 2

nigne

, nullus fundum Ecclesie, habitationem vel predia de loco ad locum
, transferat, nec commutet, sine licentia speciali sui Prelati. Qui cum
, que autem bona Ecclesiastica superflue erogaverit, & propter hoc fun-
, dum Ecclesie reddiderit desolatum, tanquam dilapidator bonorum Ec-
, clesie puniatur. *Decimus*, quod saper observationem Jejuniorum de-
, claratio tempore facta (forte fiat?), si festum aliquod vigiliam habens jejunia-
, bilem die lune evenerit, Sabbato precedenti jejunium illud (*obseretur?*).
, Ad vigilias in pane & aqua jejunandas sine piseibus illi solum ex
, precepto Ecclesie astringantur, qui fuerint in anno XXIII etatis sue.
, *Undecimus*, quod in festis patrie minoribus licet in necessitatibus in
, vere & tempore collectionis fructuum terre, petita & obtenta licen-
, tia a suo presbytero, absque pena pecuniaria semifinare & fructus
, colligere, & hujus consimiles labores exercere [possunt], exceptis Do-
, minicis & festis maioribus. Ita tamen, quod extra illa tempora, &
, nisi in casibus premissis, huius licentia ad alios quoctinque labores
, nullatenus extendatur & qui in premissis licentiam petere contempse-
, rent, delinquentes puniantur in pena pecuniaria, secundum leges pa-
, trie & consuetudinem approbatam. Festa ab hoc laborerio excepta
, sunt haec: Omnes dies Dominicorum, Exaltatio & Inventio sancte Crucis,
, omnia festa beate Virginis, Laurentii & Henrici, Erii & Olai, Mi-
, chaelis, & festa Apostolorum. *Duodecimus*, quod in altaribus con-
, secratis habeatur lapis per ipsum (an *Episcopum?*) confectus, tante
, latitudinem, ut hostie in die pasche consecrande cum Calice possint in
, eo convenienter contineri. *Decimus tertius*, quod libros vel ornata-
, menta Ecclesie vel altaris nullus amat (leg. emat?) sine speciali li-
, centia Prelati. *Decimus quartus*, quod nullus Presbyterorum paro-
, chianum suum presumat a sacramentis suspendere sine mandato sui
, Prelati, nec etiam ab Ecclesia eliminare, nec tempore Paschi in pec-
, catis notoriis (an deesset quid?) secundum Ecclesie consuetudinem approba-
, tam. *Decimus quintus*: Qui fundum Ecclesie desolatum reliquerit, & sic
, recedere intenderit, etiam si licentiam haberit, donec Ecclesiam red-
, diderit indemnem, ab officio suspendatur. Si vero de fuga suspicio-
, fuerit, vel res suas arrestatas dolo subtrahere conatus fuerit, res
, ipsas aurittat, & secundum arbitrium judicis puniatur, nec unquam
, officio suo restituatur priusquam Ecclesie damnitate fuerit satisfactum.

nigne nobis, pro suo in nos favore & singulari quo in
res patriæ illustrandas fertur studio, procuravit, Cel. NOR-
DIN,

Decimus sextus: Quando in Ecclesia Aboensi die Cene Crisma con-
firmitur, quilibet Sacerdos curatus ipsum in Ecclesia sua habeat infra
quindenarium (*quindena?*) a die Pasce, & viciniores habeant ipsum
quam cito possunt. *Decimus septimus:* Ut litere Sacerdotibus super
mandato Prelati directe citius & expeditius transeant secundum ordi-
nem de Presbytero ad Presbyterum. *Decimus octavus:* Ut pensiones
prediorum Ecclesiasticorum, scilicet *tuigift* & *afraf* æqualiter divi-
dantur inter Ecclesiam & Sacerdotem. *Decimus nonus:* Presbyteri ad
exequias defunctorum vocati pro missis dicendis, tam in officio quam
in sepultura defunctorum albis seu suppliciis sint induiti. Idem in cate-
chizatione infantum volumus observari. *Vicesimus:* Quilibet Sacer-
dos Parochialis singulis annis cathedralicum ferat ad Synodum illi
cui Prelatus mandaverit committendum. Quicunque vero cujuscun-
que statuti seu articuli jam predicti transgressor fuerit, pena trium
marcarum puniatur. Item declaratum fuit, quod pro sepultura pau-
perum mortuorum pecuniam nullus petat seu exigat, nec (leg. *ni si?*)
officio completo sepulture; parvuli vero, ut moris est, & pauperes, sine
difficultate sepulture tradantur. Item nullus pro benedictione nu-
bentium pecuniam petat & exigat, seu etiam pro introductione, an-
tequam officio completo; transgressor horum, pena trium marcarum
puniatur. Quicunque vero timore Dei postposito, que sua sunt que-
rens non que Iesu Christi, malitiose seu paupertatis causa retinenter (vox
corrupta!) tradere sibi equum, infirmum seu mortuum sive proprio equo non
visitaverit, pena trium marcarum puniatur. Pena consimili puniatur in
jure Sueuico constitutus, qui equum malitiose negaverit in hisce ne-
gotiis sacerdoti. Item mandamus & ordinamus, quod singuli presby-
teri nostre dioecesis ita tempestive veniant ad Synodum, quod modis
omnibus intersint missæ que in incoatione Synodi de Sancto Spiritu
dici solet solenniter. In territoriis seu provinciis diffusis & a loco
Synodi nimis remotis, presbyteros, unum in qualibet provincia seu
territorio, & aliquid, si necesse fuerit, duos remanere volumus, ad
ministerium sacerdotale populis, prout necessitas exigerit, periterven-
dum. Quilibet etiam Sacerdos ad Synodum præficens, coram pa-
rochianis suis (deest *edictat*, vel tale verbum?), ad quem in provin-

DIN, ex locupletissimo suo veterum monumentorum pen-
nu codicem MS. transmittens, ubi inter alias quasdam
leges & privilegia Ecclesiis Fennicis ac maxime Alanden-
sibus olim data, hoc quoque Hemmingianorum Statutorum
(aut excerptorum ex iis momentorum?) exemplum ha-
betur, satis illud prodens, quam enixe de ordine conservando
diligenti, externa Ecclesiae suæ forma concinnanda, atque
Hierarchia stabilienda, Episcopus noster laboraverit. Cæ-
terum nihil quod ad animos hominum vel collustrandos
vel virtutis amore imbuendos pertineat, continere, (cu-
jusmodi curæ nec ab ingenio temporis, Hierarcharumque
consiliis, facile sperandæ erant), quisque videt.

Inter monumenta hujus ævi memorabilia, res Ecclesiasticas
Finlandiæ spectantia, silentio præterire non debemus Bul-
las tres Papæ Benedicti XII, Avenione V Kal. Junii &
XVI Kal. Julii, Pontificatus sui anno sexto (d. 28 Maii
& 16 Jun. 1340) datas; quas sibi comparasse, suis rebus
faventissimas, discimus Henricum Hartmanni, Rectorem
Ecclesie de Sæxamäki, Aboensis Dioceesis, (Avenionem for-
te ipsum profectum?), quarumque exempla in laudato nobis
sæpe Registro Ecclesie Aboënsis supersunt. Prima Preposito,
Decano & Archidiacono Ecclesie Upsalensis missa, ad ava-
ritiam, atque audaciam Fratrum Ordinis Prædicatorum

P p 3

pro-

„cia remanente in confagere debeant, in casibus qui contingere possint.
„Item famulis Episcoporum transeuntibus, seu etiam aliis quibuscumque
„per sonis, nisi ipsos hospitalitatis causa colligere voluerint, & intuitu
„caritatis, illis necessaria vendant &c. ut prius in Statutis Sabinensis &
„provincialibus. Vale.” Exemplum ipsum, non accuratissime descri-
ptum, initio seculi XVII aut fine seculi XVI vetustius non esse, mul-
ta docent.

prope Civitatem Aboensem habitantium, spectat compescendam, de quibus Pastor iste parochialis graviter conquestus fuerat, atque potentiam qua in hilce oris Fratres illi jam pollebant, luculenter demonstrat (217). Secunda, cuius recensionem exhibet Nobil. A CELSE (218), & tertia, eidem æque ac prima illa, ignota, Decano Ecclesie Upsalensis soli scriptæ sunt (219). Decimarum promite atque accurate solvendarum officium incolis dictæ paroeciaæ levare

(217) "Querelam Henriti Hartmanni" dicit Pontifex se accepisse, "continentem, quod licet Priori generali & fratribus ordinis Pre-dicatorum, per Apostolice Sedis privilegium, indultum fore dicatur, ut possint habere altare portatile, super quo in locis & villis quibuslibet, sine preludio tamen Parochialium ecclesiarum, missam & alia Divina officia celebrare valeant, tamen Prior & fratres Domus dicti ordinis prope civitatem Aboensem, pretextu indulti hujusmodi in parrochia dictae ecclesie Saxamæke super altare portatili missam & alia officia Divina celebrare, & ad missam & divina huiusmodi parochianas dictæ ecclesie convocare, & oblationes accipere ac in usus suis con-vertire propria temeritate presumunt, in eorundem Rectoris & Ecclesiæ preiudicium & gravamen. Cum autem dictus Rector, sicut asserit, dictorum Prioris & fratrum dictæ Domus potenciam in errore perhorre-scens, eos infra civitatem seu dyoceſin Aboensem nequeat convenire ſecure, Discretioni veste per Apostolica scripta mandamus, quatenus vocatis qui fuerint evocandi, & auditis hinc inde propositis, quod iustum fuerit, appellacione remota decernatis" &c. L. c. Fol. 50.

(218) *Appar. ad Hist. Sveo-Goth.* S. I p. 117, n. 12.

(219) Legitur utraque Reg. Eccles. Ab. Fol. I. Per errorem vero Nob. A CELSE nomen Pontificis ad Decanum pertrahens, l. c. dicit Bullam, quam ipse recenset, scriptam esse Benedicto Decano eccl. Ups. Utriusque enim, in libro veteri, idem, ac hujusmodi initium est: *Benedictus Episcopus servus servorum Dei dilectio filio Decano* (cujus nomen non exprimitur) ecclesie Upsalensis salutem & Apostolicam benedictionem. Nomen Benedicti in serie Decanorum Eccl. Upsal. nullibi com-

vere inculcantes (220): quarum omnium exempla infra in *Sylloge Monumentorum* legenda exhibebimus. Videtur has causas *Henricus Hartmanni*, vacante per mortem Episcopi *Benedicti* sede Aboënsi, aut fortassis Antistite hoc senectute jam confecto, adeoque minus acriter officii suis invigilante, ad Pontificem detulisse; licet paulo serius hic tententiam pronunciaverit? In literis quidem Papalibus neque Episcopi Aboënsis ulla mentio occurrit, neque facile credas, *Hemmingo* nostro, homine acri & imperioso, sedem Episcopalem ornante, *Henrico* opus fuisse vel contra Parochianorum suorum contumaciam, vel Monachorum injurias, Papalis implorare auctoritatis præsidium?

Res quod attinet eventusque politicos, qui *Hemmingo* sedente Episcopo in Fennia contigerunt; inter illos bellum externum unum, cum Russis iterum gestum, & cive

paret; cui officio per hæ tempora præfuisse videtur *Sigfridus Roekkari*? Cfr. *Incerti Script. Chronicon de Archiep. & Sacerdotibus Eccl. Ups.* a *Sheffero* edit. p. 165 & 167.

(220) Memorabile imprimis est, quod in tertia scribit Pontifex: "Sua nobis dilectus filius *Henricus Hartmanni* - - - petione monstravit, quod nonnulli parrochiani ipsius ecclesie - - - de proventibus terrarum, vinearum, ortorum, molendinorum, pratorum, possessionum acbaliorum bonorum que infra limites parrochie ipsius ecclesie obtinenter, decimas eidem ecclesie debitas predicto Rectori solvere indebet contradicunt, quandam pravam consuetudinem, que corruptela dicenda est pocius, pretendentes, videlicet quod de talibus nulli adhuc Decimas persolverunt." Ex quibus colligere licet, non diu ante hæ tempora novas aliquas plantas in Finlandia coli coepisse, quarum igitur decimas hactenus solvere incolæ non consueverant, illudque consilium fuisse usque in Tavastiam jam propagatum? Cfr. *Tidm. utg. af et Sällsk. i Abo*, 1785 Vih. p. 123 sq., not. (*).

vile alterum, a R. ALBERTO Megalopolitano contra R. MAGNUM Avunculum suum motum, offendimus; de quibus rerum Svecicarum agunt Scriptores (221). Russos aggrediendi quam hi causam dederint, & an præter religio-nis catholicae propagandæ zelum, (cum quo studium li-mitum regni extendendorum conciliare optime licuit) al-lias belli causas R. MAGNUS habuerit; nunc quidem cer-to pleneque explicare haud valemus (222).

(221) Vid. LAGERBRING l. c. C. 6, §. 15-19, & §. 62. (e Chronico Rhythm. p. 154 sq. & ERICO OLAI p. 125 sq. Ed. Loccen. aliisque vetustatis monumentis); Cfr. MESSENIUS Schond. T. III p. 13, T. X p. 16, T. XII p. 187 sq.

(222) Nullam belli causam exhibent vel *Chron. Rhythm.* vel ERICUS OLAI. MESSENIUS satis quidem idoneam, neque improbabilem, commemorat l. c. T. XIII p. 187, scribens: *Interea Magnus Moschorum in Finlandiam crebris excursionibus plurimum exacerbatus bellum in ipso moliebatur;* & T. X p. 16: "Idem (R. Magnus) crebras Ruthenorum per Nynum in Finlandiam prohibitus excusiones, Noteburgum expugnat & Svetico munit praesidio"; sed testem nullum habet ve-tustiorem. Idem l. c. T. III p. 13 dicit, *Magnum bellum in Russos, pro illorum conversione ac castri recuperatione Noteburgensis,* parasse; ac dubio caret, hanc solam causam insidieles & hereticos (vel Schismaticos) ad fidei Catholicae professionem cogendi, temporibus illis satis visam fuisse validam; quin hoc in primis nomine expeditionem hanc Regis a Pontifice fuisse approbatam, adjutam & saeculi instar operis commen-datam, ex Bulla patet Clementis VI adducta a Dn. LAGERBRING l. c. C. 6, §. 17 not. (3), & Dn. A CELSE l. c. p. 122 n. 20. Eadem scil. Bulla docet, Regem Papæ significasse, Karellos & Ingros, recon-gnito suo infidelitatis errore, se pro suscipienda fide Christiana in eorum auxilium specialiter invocasse, & eo ipso ab insultibus & oppressioni-bus, quibus Rutheni, catholicae fidei inimici, eos frequentius affigebant, manu valida protegente, eandem fidem suscepisse & baptismum, &c. Russorum scriptores Regi nullam aliam causam belli suscipendi quam Religionis Catholicae propagandæ studium tribuunt: vid. St. Peters-burg. Journal 1778, VI B. p. 420 sqq., (Cfr. LAGERBRING l. c.